

A2^r (1^r)

1

Dem Ehrwürdi-
gen in Gott Vatter vnnd
Herrn/ Herren Joachim/ Abbt des
würdigen Gottshaus vnd Clofters

Stamgaden/ 7c. Meinem

gnedigen vilgelieb-
ten Herrn.

EHRwürdiger in
Gott Vatter/ gnediger
Herr: Der H. Prophet
Ezechiel Propheceit vñ
verkündiget inn feiner
Prophecey am 34. Cap. Wie der
Herr Chriftus als der wahre vnnd
vnfelbare Meffias vnnd Heyland
der gantzē weiten welt/ ein getrew-
er Hirt fein/ vnd feine schåflein zum
reichlichften waiden vnd verforgen
werd. Solches hat nun der Herr
Chriftus an vielen orten des newen

A ij Tefta-

A2^v (1^v)

Testaments gethan/ fonderlich aber im 7. cap. Matth. Dann dieweil zu giner rechten Hirtenförg vnder andern ftücken auch diß erfordert wird/ das man den armen schäflein ein fichern guten weg vorban/ damit sie nicht von Wölffen betört/ vnnd auff schedliche vngefunde waid abgeführt werden/ Als lehrt vns der Herr Chriftus im selben capittel vnder andern auch ein feine fonderbare außerleßne practick/ weiß vnd maß/ damit wir nit allein bößen verfüriſchen hirtten empfliehen/ fondern zumal böße waid vermeiden lernē mögen. Zeigt vns demnach fünff fonderbare feine ftücklein an/ die zu solcher verficherung infonderheit von nöten fein.

1. Für das erft ſpricht Chriftus/ es werden falſche Propheten auffſtehen. Diſe kurtze wort erkläret der H. Apoſt.

A3^r (2^r)

2

H. Apoftel Paulus 1. Timoth. 4. da
 er fagt: Der Geift meldet deutlich/
 das in den letzten tagen werden etli-
 che vom Glauben abfallen/ vnd ver-
 fürlichen böfen Geiftern anhängen/
 als wolt der H. Apoftel Paulus/ ja
 der Ertzhirt Chriftus felber zu vns
 feinen fchäflein gerad alfo fagen/ jrret
 euch nicht lieben fchäflein/ gleich wie
 jhm keins auß euch einen acker one
 vnkraut traumen laffen fol/ alfo foll
 auch keins vermainen/ das der pfer-
 rig one anftoß fein werd/ der Teuf-
 fel wird one vnderlaß herftürmen/
 vnd fich vnderftehen/ neben dem gu-
 ten famē allerhand vnkraut menfch-
 liche wohne vñ gutgedunckēs mit
 vnder zufähen/ vnder die reine vn-
 uerfelfchte gehaimnuffen des All-
 mechtigen ewigen Gottes.

Es ift aber zumal auch auß difen
 Worten fein abzunemen/ wa dann

A iij dife

A3^v (2^v)

difes vnkraut/ vnnd die feminatoreu
 oder feeher deffelben/ das ift/ die fal-
 fchen Lehrer vrſprünglich herkom-
 men/ nemlich nicht auß ordenlichem
 beruff/ fondern ſie kommen ſelber/
 Currebant & non mittebam eos, ſie
 kommen vom Teuffel her/ der blâft
 jhnen falſche lehr ein/ entweder one
 mittel/ durch ſeine wunderbarliche
 vnnd krefftige geſchwindigkeit/ wa
 jm Gott verhengt/ oder aber durch
 andere bezauberte leut/ welche dem
 Allmechtigen Gott ſein warheit
 gleich wie ein wachß formiren vnnd
 drehen können/ dz ift jr vrſprung.

2. Wa kommen ſie dann hin? Zu
 euch/ ſagt der Herr/ das ift/ wa der
 rechte Schafftal ift/ da kommen ſie
 hin/ da werffen ſie jre fturmlaitern
 an. Daher ſagt man gemeinglich im
 ſpruchwort: Wa Chriftus ſein Kirch
 hinbawet/ da bawet der Teuffel
 faft

A4^r (3^r)

3

falt allwegen fein Capellen darne-
ben: die hungerige Wölff gehen zu
der rechten waid/ dauon die schaff-
lein ernehrt werden follen/ gehen
lang nicht vnder die hecken vnd dör-
nē/ oder ftainhauffen/ fondern zu den
armen schäfflein/ zu aller nechft an
den haubtpferrich.

3. Wie kommen sie? dann das ist
ja freylich von nōtē/ das mans wif-
fe. Sie kommen/ spricht Chriftus/ in
schaffskleidern. Ey das ist ja ein er-
schröcklich ding. Wann der Teuffel
sich sehē ließ/ wie man jn gemeinlich
malt/ so wår der sach dannocher zu-
helffen: der mensch kōnt auß warem
glauben das Creutz für sich machen/
vnd also sagen/ hebe dich hinweg du
Hellenbrand/ du haft kein theil an
mir/ ich bin ein Chrift/ vñ ein leben-
digs glied seines leibs/ darumb fin-
deftu allhie nichts/ das dir tauglich

A iij wår/

A4^v (3^v)

wâr/ pack dich an ort vnnd end/ da
falfche lehrer fein/ da findtu deins
gleichen. Aber nein/ das ift dem
Teuffel fo eben nicht gelegen/ der
Teuffel weiß als ein taufentliftiger
Fuchs gar wol/ wie er fich geftellen
vnd vermummen fol/ damit jme die
fchantz gerathen möge. Sanct
Paulus fagt/ er neme gar Engels
geftalt an fich/ gleich alfo fpricht
Chriftus/ die falfchen lehrer als fei-
ne lieben getrewen/ kommen inn
fchaffskleidern/ das ift auff das aller
freundlicht/ das jmmer fein kan/ da
fich keiner einiger gefahr nicht verfe-
hen darff. Dann wer wolt fich vor
eim fchaflein fürchten? ift es doch
gar ein fanfftmütigs liebs thier-
lein/ es låft junge Kinderlein mit
jhme fpielen/ wer wolt fich der
Wolffszâhn beforgen können.
Was ift aber diß Schaffskleid?

Kürtz-

A5^r (4^r)

4

Kürtzlich daruon zureden/ ift es an-
 ders nichts/ dann das liebe wort
 Gottes/ damit machen jnen dife ver-
 fürliche Lehrer ein anfehen/ das
 fchier kein fo grobe lehr nicht kan
 vnder der Sonnen erdacht werden/
 fie find leut/ die jhr beyfallen vnnd
 glauben geben/ wenn man allein fa-
 gen kan/ da ftehet es gefchriben/ dort
 ftehet es/ Paulus fagt alfo/ 7c. fo
 felt dann das gefindich ab/ wie das
 dürre laub von bawmen. Vnd in der
 warheit kan ein falcher lehrer fein
 wahr nicht beffer verkauffen/ dann
 wann er die zuhörere bereden thut/
 es fey alles pur lauter Euangelion/
 was er fürbringt/ das ift/ fag ich ein
 fchaffpeltz/ darunder doch ein gar al-
 ter/ feifter/ batzender Wolff verbor-
 gen ligt.

Vnd alfo hat difes Schaffskleid
 fampt mir wol vor 1300. jahren

A v auß

A5^v (4^v)

außgelegt der heylig alte lehrer Vincentius Lyrinenfis, da er anzeigt/ wie difes fchaffskleid auch feiner zeit gewefenen Ketzern fo gar gemain gewefen fey: vermant aber/ das man fich nur defto genauer vor jnen hütten foll/ je mehr fie fich mit demfelbigen befchönigen.

Solche Gefellen thun eben das/ dz die thun/ die einē jungē Kind jrgend ein bittere artzney eingeben wöllen: die vberziehen die artzney zuuor mit zucker/ oder mit hönig/ oder mit einē andern ding/ daß dz Kind gern jßt/ wann es dann der luffe empfind/ fo lauft es grad an/ wie ein blinds roß/ beforgt fich keiner bitterkeit/ biß das es den gantzē Bolum verchluckt hat.

Alfo wiffen die falche lehrer auch gar wol / das jr vermeinte feelenartzney new/ bitter/ fchedlich vnd verfirch fey/ vñ dz fie freylich niemands wûr

A6^r (5^r)

5

würde annemen/ wann sie nicht zu
 uorhin mit einer füffigkeit folte vber
 zogen sein. Darumb so machen sie
 gleichsam ein gelbs brülein darüber/
 ziehen jhr ein schaffskleid an/ führen
 schrift ein/ damit man den bitteren
 bolum desto weniger schmeckē oder
 fülē kōn. Begert einer Exempla? Sihe
 so lesen wir Matth. 4. d3 der Teufel
 fel selbs difes schaffskleid der schrift
 gebraucht hat/ da er vnfern Erlōser
 verberreden wōllen/ er soll sich von
 der zinnen des Tempels herunder
 lassen/ es steht geschriben/ sprach der
 Bōfewicht/ Gott hat seinen Engeln
 befelch gethan/ d3 sie dich auf dē hen
 den tragen sollē/ damit du nit jrgend
 deine füß an einen stein stößest/ 7c.

Also lesen wir auch Joan. am 7.

Cap. von den Juden/ nach dem sie
 Chrifti predig gehört/ haben etliche
 gefagt/ er sey ein Prophet/ etliche er
 sey

A6^v (5^v)

sey Chriftus/ darnach fein andere gewefen/ die haben gefagt/ nunquid è Galilæa venit Chriftus? Sagt die fchrifft nicht/ Chriftus werde auß dem ftamm Dauds/ vnnd auß der ftatt Bethlehem kommen? Waren auch nicht content darmit/ das fie auß der fchrifft probieren wolten/ Chriftus wår kein Prophet/ fondern fchrien noch darzu/ Joan. 19. Wir haben das gefatz/ vnd nach dem gefatz muß er fterben.

Wer folte fich vber dife graufame verftockung nicht zum höchften verwundern/ das diefe Teuffelsknecht dörffen das Gefatz vnd die Propheeten anziehen/ wider den anfenger des gefatz/ vnnd fich darauß vnderftehen zu probieren/ Chriftus fey nit allein kein Prophet/ fondern er fey zumal auch das leben verfallen?

Gerad alfo ift es hernacher auch
gan

A7^r (6^r)

6

gantzen/ Paulus beklagt sich deffen
zum aller höchften/ 2. Cor. 11. vnnnd
Gal. 1. daß etliche vnder dem schein
des heyligen Euangelij Secten ein-
geführt haben. Arrius hat 40. spruch
auß der schriftt zufamen geraßpelt/
damit er sein Teuffelslehr erweisen
wolt/ das Chriftus nicht wahrer
Gott wår/ er schrie auch nichts an-
ders/ dann schriftt schriftt/ seine jün-
ger hetten anders nichts im maul/
dann Euangelium/ Euangelium.
Vnd ist doch nichts gewiffers/ dann
das die schriftt/ wie er sie geführt/ nit
Gottes wort/ sondern des leidigen
Teuffels wort gewesen sey.

Der Ketzzer Nouatus braucht
sich auch der schriftt Pauli/ Heb. 6.
Vnd vnderftund sich auß derselben
sein böfen Jrrthumb zuerhalten/
das man nach der Tauff/ wann
man wider gefündigt het/ sich kei-
ner

A7^v (6^v)

ner gnad mehr zuuertröften habe.

Alfo fein auch heutigs tags jren
gar vil/ die den Kindern den Tauf
verfagen/ die fagen/ allein der glaub
mach felig/ die Meß fey ein grew-
el/ 7c Vnnd bereden darmit gar vil
leut. Wie gehn fie es aber an? Ey
wie wolten fie jhm anders thun/
dann wie jhr Præceptor der Teuffel
felbs gethan hat? Sie ziehen halt
fchrifft an/ beklaiden den jrrthumb
mit eim fchafsklaid/ vñ gehen fo glat
mit den fachen vmb/ das einer wol
taufent vnd aber taufent ayd fchwö-
gen folt/ es wer pur lauter warheit.

4. Aber wer fein fie inwendig? jn-
wendig fpricht Chriftus/ fein es lau-
ter reiffende Wölff. Da ligt der Haß
im Pfeffer. Schaffgeftalt war ja
one gefahr/ aber dz ift zumal fchröck-
lich/ das ein fo gefehrlicher Wolff
darunder foll verborgen ligen/ ein
reiffen-

A8^r (7^r)

7

reiffender Wolff/ ein freffender
Wolff. Zwar die Wölff haben kei-
ne leibliche zähne nicht/ aber mit jrer
falschen lehr fallen sie die leut an/ da-
mit verchlucken sie Gott sein ehr/
vnd freffen den armen betrübten
conscientzen vnd gewiffen jren trost
vnd jr geitlichs leben/ sie freffen nit
Fleisch/ Lung/ Leber/ Kröß/ 7c. son-
dern das gewiffen/ das hertz/ vnd
die feel freffen sie. Als zu eim Exem-
pel.

Es lehren etlich/ allein der glaub
mach felig. Das ist ein rechter
Wolffsbiß/ der geht nit ins fleisch/
aber in das hertz/ vnd ist eigentlich
dahin gericht/ damit die leut in ein
sicherheit gefürtzt/ vnd von guter
zucht vnd erbarkeit abgewifen wer-
den mögen. Vnd wiewol folcher biß
mit der schrift artiger weiß von de-
nen Gefellen verfrichen wird/ so ist
doch

A8^v (7^v)

doch nichts/ vñ hat vns difer Beet
wölff noch keiner erweifen/ oder
aber deutlich one verfelfchte ſchrifft
auzeigē können/ da es geſchriben ſte
he/ Μόνκ τι πίσει δικαίμεθα, allein durch
den Glauben werden wir gerecht.

Es lehren etliche/ die Chriſtliche
Kirch kōñ in glaubens ſachen fâh
len oder jrren. Vnnd alda hōrt man
ſprüch auß Gottes wort/ man hōrt
bewōgliche argumenta, von ſolchen
dingen hōrt man/ darwider auch
die vernunfft nicht wol ſein kan. A
ber es iſt ein Wolffsbiß. S. Paulus
gennet ſie columnam & firmamentum
veritatis, vnd Chriſtus bezeugt/ das
ſie ſtettigs vom H. Geiſt regiert
werd/ ey wäher ſolt ſie dann in jrr
thumb gerathen können? aber dieſer
Wolffsbiß greiffet dem Menſchen
auffs hertz/ vnnd geht darmit vmb/
ob er daffelbig von aller gehorfam
der

B1^r (8^r)

8

der Kirchen abfüren/ vnd auff an-
nemung falcher Lehr wenden kñn.

Es lehren etlich/ der Menſch
werde nicht warhaftig gerechtfer-
tigt/ ſondern nur Imputatione qua-
dam, vermainer weiß/ als wann
ich ein Guckgauch für ein Croco-
dil anfehen wolte/ oder als wann
ich ſagen wolt/ ich wer reich/ weil
der Keifer reich iſt/ ob er mir ſchon
nichts gäb/ 7c. vñnd bringen ſchriſt
daher/ damit ſie jren handel gar ar-
tig wiſſen zuuerblümen.

Aber auffſehens/ es iſt ein
Wolfsbiß/ Gottes wort lehret vns
dill anders/ dann der Wolff zannet.
Joan. 17. ſpricht Cheiftus/ Vatter
heilige ſie inn der warheit/ das iſt/
halte ſie nicht allein für rain/ wann
ſie noch fündler ſein/ ſonder mach ſie
warhaftig rain. Vnd am 8. Cap.
Wann euch der Son erlöfen wird/

B fo

B1^v (8^v)

Io werdet jhr warhafftig frey fein/
werdet nicht bloß für frey gehalten
werden/ fonder jr wert in der war-
heit mit vnnd an der that felbs frey
fein. Mit difem Wolfsbiß aber fetzt
vns der Teuffel zwar nicht auff
fleisch/ aber auff gewiffen/ vnnd
naget den frommen Schåflein fein
höchften troft ab/ den daffelb von
warhaffter onerdichter verzeihung
der fünden haben folt/ vnnd fetzt es
also har inn Nobis hauß: Wie io:
Dann dieweil die Schrifft io auß-
truckenlich bezeugt/ es möge nichts
vnrains inn das ewige leben einge-
hen/ io gedencke du felber/ liebes
Schåflein/ wann du von Sünden
nit warhaftiglich gerainigt wirft/
wa du zuletzt hingehörest? Sihe
was dir arms Schåflein deine hir-
ten für ein lohn geben/ für dein ge-
horfam vnd glauben. Du laßt dich
jha

B2^r (9^r)

9

jha viel koften daß sie erhalten werden/ du schenckft ihnen/ gibft ihnen was sie nur begern/ vñnd sie geben dir mit difer jrer böfen lehr die Heil darzu/ ist das nit ein erschrecklichen merces?

Darumb vñd dieweil difes beifsen so gefehrlich ist/ so spricht der Herr Chriftus zum 5. vñd letzten/ hüt euch: aber auß jhren fruchten werd vñd solt jr sie erkennen. Vñnd das ist dan die gantze Propofition/ daran die vermanung Chrifti eigentlich hafftet. Ist gerad das/ das Chriftus anderstwo sagt/ Joan. 10. Meine Schäflein hören meine ftim̄/ vñ fliehen eines fremden ftim̄ 7c. mit welchen worten daß der Herr Chriftus nicht allein die nachfolg der falschen lehrer/ fonder zumal auch das hincken/ das schmeichlen vñd liehkoften jnen vnderfagt vñ verboten haben wil.

B ij Man

B2^v (9^v)

Man findt heutiges tags viel
leut/ die fuchē mittelweg/ geben für/
man fol der falſchen Propheten ver-
ſchonen/ in dem es perſonen ſein/ es
hab ſonft ein böſen ſchein/ vñ weiß
nicht was jhnen ſonft mehr gebriecht
oder mangelt.

Aber lieber Herr Chriſte/ hör-
ftu dieſe temporifierer auch ſingen?
hhelffen ſolche leut nicht den falſchen
Propheten den Schaffsbeltz vmb-
hengen/ vnd wöllē ſich allenthal-
ben ſein zuſchmucken? Ach ſie laſſen
ſich weit gefcheuder ſein/ dann die
gantze Chriſtēheit ſelber. Aber Chri-
ſtus der redt weit anders vom han-
del/ fündert die lehr vnd lehrer nicht
Von einandern ab/ ſondern er bindt
ſie zu bayden theilen inn ein Concre-
tum zuſamen/ vnd ſagt von falſchen
lehrern als perſonen/ vñ nicht allein
von lehren/ verdampt ſie zu bayden
ſeyten. Dem

B3^r (10^r)

10

Dem folte man auch nachsetzen/
ja folche halbhößler folt man an kei-
dem Hof/ oder in keinem Regiment
nicht gedulden/ wie vor zeiten die
Athenienfer alle Neutraliften mit
fleiß auß jrer Repub. außgemufert
habē. Ein rechter volkomner Chrif
hört es gern/ wann man die Wölf
nur nach allem vorthail auff das
maul klopft/ vnd ſpricht mit Daid
im 119. Pfal: Jch halte ftracks dein
befelch. Vnnd im 139. Pfalm: Jch
haffe/ O Herr/ die dich haffen/ vnnd
verdreuft mich auff ſie/ daß ſie ſich
wider dich fetzen/ thun auch folches
defto lieber/ dieweil ſie die frucht fe-
hen/ dahin vns Chriftns ſelber
weißt/ vnnd dieweil ſie zumal auch
wiſſen/ daß die perſonen ſelber/ vnd
nit allein die lehr/ lauter ledige vor-
botten ſein des laidigen Antichriftns.

Ein folcher auffrichtiger Chrif

B ij vnd

B3^v (10^v)

vnnnd trewhertziger eifferer für fein
Herren vnnnd hayland Chriftum ift
gewefen der H. Biſchoff vnd Mar-
tyrer Hippolytus/ wölcher ob er
ſchon folch fein hertz in vilen ſchönen
Schriften vnd Büchern/ dauon der
heilig Hieronymus zeugknuß gibt/
vberflüßig genug außgefchütt/ So
hat ers doch infonderheit gethan/ in
der feinen Predig/ die er vom Anti-
chrift beſchriben hat/ darinnen er die
ſe Nacht vnd Beerwölff ſo dapffer
herauß butzt/ auch die zeit jhres
ftrichs/ ſo Prophetiſcher weiß ver-
kündigt/ das man nicht hinuñ kan/
man muß bekennen/ er hab vor allen
anderen der ſachen ein genügen ge-
than/ vnnnd gleichſam mit fingern
auff die gezaigt/ die alle frome Chri-
ften/ als warhaffte vorbotten des
laidigen Antichrifts/ meiden vn̄ flie-
hen/ ja auch gewiß fein ſollen/ das
als

B4^r (11^r)

11

als daß die zukunfft des rechten Antichrifts nicht fern sein werde/ wann sie sich sehen lassen.

Mich zwar hat er wunderbarlicher weiß bewögt/ vnd eben durch auß dahin vermöcht/ dß ich gentlich glaub/ folche zeit des Antichrifts sey vns am aller nechsten/ vnnd zwar vor der thür/ dieweil nicht allein mehr ermelte verbotten täglich vor vns vmbblaffen/ fonder zumal auch der größte theil deren zeichen/ die vor seiner zukunfft vorher gehen sollen/ allberait vorhanden ist/ dauon der H. Bischoff vnnd Martyr Hippolytus nach Prophetischer art gezeuget hat: ja er hat mir zumal auch ein fonderbare sterck gegeben/ inn dem/ daß ich allewegen von solchen falschen Propheten/ weil ich ein inwohner bin des Hauß Gottes/ bey mir selbs judiciert vnnd geurtheilt hab/

B iij Dero

B4^v (11^v)

Derowegen ich dann E. G. desto
gehr zudancken hab/ als welche mir
zum aller erfsten gelegenheit gegeben
hat folches schatzbüchlein zubekom-
oen vnnd zulefen/ dazumal/ da ich
one das mit meinem G. F. vnd H.
Hertzog Albrecht/ 7c. im Jårlichen
Schwein vnd Beerenhåtz in E. G.
wûrdigem Gottshauß Ampts hal-
ben ein tag etliche ftill gelegen bin/
allda ich mit E. G. von folchen sa-
chen geredt/ deren gedächtnuß mir
jetzund vil freud bringt/ alda ich zu-
mal auch mit meinen augen gefehen
hab/ vnnd demnach auch vor Gott
vnd vor den menfchen deffen ein of-
fenbar zeugknuß geben sol/ mit was
ernftlichem eiffer/ vnnd eifferigem
ernft E. G. nicht allein die Religi-
on felber/ fonder auch die gebûrende
difciplinam Monafticam fûre/ wie
embfig fie darnach dichte vnd trach-
te/ da

B5^r (12^r)

12

te/ damit tugend/ Gotsforcht/ zucht
 vnd ehr allenthalben inn wolgemel-
 tem E. G. Gottshauß/ ja auch bey
 allen jhren Vnderthanen erhalten
 werd. Jch fags vnuerholen/ ich hab
 hin vnd wider inn Teutfchen vnnd
 Welfchen Landen vielen Clößtern
 beygewont: Aber Steingaden hat
 mir allwegen ein sonderbare freud
 mit sich gebracht/ da ich anders
 nichts/ daß was einem rechten Gott
 wolgefelligen Clofter leben wol an-
 fteht/ hab fehen vnd fpüren können/
 frid vnd ainigkeit/ andacht/ meffig-
 keit/ embfigs beten/ fleiffige verrich-
 tung des Gottesdienfts/ lieb/ Summa
 Summarum gebürende ordnung in
 allen dingen. Wil von E. G. hohen
 verftand vnnd vilfaltiger erfahrung
 nichts fagen/ genug ift es daß fol-
 ches meinem gnedigen Fürften vnd
 Herren bekant vnd bewift ift/ dero-

B v wegen

B5^v (12^v)

wegen dann jhr F. G. auch ein son-
derbare gnad gegen jhr haben vnd
tragen/ wie folliches menigklichen
kunt vnd offenbar ift.

Zu wölchen E. G. tugenden
vnnd Geiftlichem leben/ gleich wie
auch zu erhaltung deffelben/ E. G.
innfonderheit antreibt jhr fchönes
Symbolum, nemlich die quatuor no-
uifsima hominis, darauff billich ein
jedweder menfch achtung geben fol.
Diefelben ligen E. G. jmmerzu im
hertzen/ jhre gedancken fein ftetigs
darmit occupiert/ jr thun vnd laffen
geht ftetigs darmit vmb/ Derowe-
gen fie dañ folches herliche Symbo-
lum jr auch allenthalben haben für-
fetzen laffen/ an allen orten vnnd en-
den/ da E. G. das maifte theil wo-
nen/ vnd jhren gefchefften obligen.
Kompt einer in die Kirchen/ fo fin-
det er die 4. nouifsima. Kompt ei-
ner

B6^r (13^r)

13

ner in E. G. 3immer/ fo findt er die
 4. nouifsima. Kompt einer in E. G.
 Schlaffkammer/ fo findt er die 4.
 nouifsima. Kompt einer inn E. G.
 Studierftüblein/ fo findt er die 4.
 nouifsima. Kompt einer inn E. G.
 Oratorium, fo findt er die 4. nouifsi-
 ma. Kompt einer in dz Refertorium,
 fo findt einer die 4. nouifsima. Sumā
 fummarum wa einer nur hinfihet/
 fo findt er diefe feine gedächtnuß al-
 lenthalben/ gemalt/ gedruckt/ ge-
 hawen/ gegraben/ gefchriben/ 7c.
 Darmit jha E. G. die betrachtung
 follicher hochbewöglichen 4. ding
 nimmermehr auß jhrem hertzen ge-
 nommen/ vnd fie also an allen orten
 jres beruffs erinnert werde/ denfel-
 ben also zuuolführen/ damit der rech-
 te Ertzhirt Chriftus Jefus ein ge-
 fallen daran haben/ vnnd E. G.
 dermaln aineft mit dem ewigē leben
 reichlich

B6^v (13^v)

reichlich widerumb belohnen mög.
O daß viel andere Prelaten diefem
E. G. Exempel nachfetzeten/ fo
wurde manche Weltliche vppigkeit
vermitteln bleiben.

Dieweil nun difes Büchlin des
H. Hyppolyti ein fo feins/ artigs/
vnnd auff vnferer jetz gegenwertige
zeit ein fo eben gereumbts Büchlein
ift/ hab ich mich nicht enthalten kön-
nen/ ich hab daffelbige zu allgemai-
ner auffbawung vnd befferung in
vnfer Teutfche mutterpraach/ fon-
derlich aber auch/ vn̄ dieweil E. G.
folches von mir freundlich begert/
vberfehen müffen/ Vielleicht gibt
Gott gnad/ das doch ein Seelichen
auß demfelben die art der heutigen
Nachtwölff erkennen lehrt/ vnnd
fich von jnen widerumb abfchlecht
auff die raine vnd gefunde waide des
worts Gottes/ inn der Chriftlichen
Catho-

B7^r (14^r)

14

Catholifchen vñ Apoftolifchē Kirchen. Tritt alfo jetzunder auff die Cantzel der H. Hippolytus/ vñ predigt nicht allein in Griechifcher vnd Lateinifcher Spraach/ fondern zumal auch inn Teutfcher zungen/ für vnfer gemaines Vatterland Teutfcher Nation/ als wölche difes vnzifers mehr vmb fich hat dann andere örter/ vnd vermant fie der gefahrdarimnen fie ftecken/ zeigt jhnen zumal auch an/ was noch ferners für greuliche recht jamerhafftige zeiten fie erhafchen werden/ wann fie der vorbottē des Antichrifts nicht müffig ftehen. Vnfer lieber Herr Gott geb fein krafft darzu/ damit folches alles zu viel fruchten Leibs vnd der Seelen hie zeitlich vnd dort in ewigkeit wol angelegt werde.

Ewer Gnaden aber dedicier
ich diefe Teutfche Hippolytanifche
Predig/

B7^v (14^v)

Predig/ damit ich jr dermaln aineft
das/ daß sie mir geliehen/ nemblich
das schöne Schatzbüchlin/ aber doch
mit einem Wucher widerumb zu
ftellet/ wie ich dann die fürnembfte
örter/ die wol zubetrachten/ vnnd
darinn der H. Hippolytus etwas
dunckel ift/ mit kurtzen aber doch
fatten Scholijs erklert hab/ Alles
E. G. zu fonderbarem wolgefallen/
die ich hiemit auch bittlich erfucht
haben wil/ sie wölle diefe meine ar
beit in gnaden erkennen/ vnd gleich
wie biß anher/ alfo auch forthin/
mein genediger Herr vnnd Patron
fein vnnd bleiben/ auch difer meiner
nach Rom widerumb fürgenomē
raiß/ in jrem Gebet vnd H. Opfer
gegen Gott ingedenck fein. Chri
ftus Jhefus vnfer lieber Herr vnnd
hayland/ wölle E. G. fampt derfel
ben Ehrwürdigen Conuent/ vor al
lem

B8^r (15^r)

15

lem vnfall Leibs vnnd der Seelen
gnedig vnnd vätterlich bewaren/
vnd zumal auch ein glückfeligs neu=
wes Jar bechören/ vmb feiner aller
heiligften menschwerdung willen/
die vor 1575. Jaren auß der rai=
nen Junckfraw Maria bechehen
ift. Geben München/ am H. Chri=
ftag/ Anno 1574.

E. G.

Vnderdienstlicher
in dem Herrn

Iacobus Rabus.

Ein